



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

§. XXXXVIII. Fiducia ejusdem in Deum.

[urn:nbn:de:hbz:466:1-47773](#)

„ optimè didicerant , quam pulcher es . Quàm autem  
 „ id foret à ratione omni alienum , si cùm aliquando veni-  
 „ tent nuntij tui , mihique indicarent , elapsos esse dies  
 „ meos , & iter ad te mihi confessim incundum , mihi ad-  
 „ huc induciæ ad præparandum me essent petendæ , & in-  
 „ geminandum illud : *Inducias usque mane?* si spatium es-  
 „ set postulandum pœnitendi de admissis ? ô JESU mi , per  
 „ amorem , quo amas animam hanc meam , non amplius  
 „ meam , sed tuam , quia tibi despōsam , non permitte ut  
 „ tale quid unquam contingat . Da ut nunc saltem ego  
 „ festinem ad præparandum me sicut oportet ; ut paratam  
 „ habeam dotem , paratas veste ad obviam eundum tibi ;  
 „ ut avellam me à rebus conditis omnibus , nullique earum  
 „ prorsus amplius adhæream . Hoc unum mihi erit in se-  
 „ paratione à te solatum , posse apparere coram te aliquan-  
 „ to splendidiū ornatum , dum tempus mihi ad hoc agen-  
 „ dum indulges . Hæc sunt sensa , quæ tu mihi hoc ma-  
 „ ne dignatus es communicate consideranti verba illa :  
 „ *Ostende mihi faciem tuam , & salvi erimus :* etsi ego non  
 „ sic illa expromere calamo potuerim , sicut tu illa animo  
 „ meo impressisti .

## §. XXXXVIII.

## Fiducia in DEUM.

**E**X amore tam accenso nata est in P. Paulo fiducia illa  
 filialis , quâ semper DEO , tanquam patri amantissimo  
 omnem sui , salutisque suæ curam commisit tum alias  
 ubique , tum maximè in sacris illis suis Excursionibus . Ver-  
 fabatur aliquando in Aula Maceratensis nostri Collegij :  
 cùm

cum eò ingressus est alias ejus Collegij inquiline, non clausâ post se januâ. Versus ad eum P. Paulus, rogavit impensè, placeret claudere januam. Miratus Pater eam petitionem; Rev. vestra, inquit, cras per mille tempestatum incommoda perrectura est ad Excursiones suas, & nunc tantillus hic ventus molestiam ipsi creat? excepit sapienter P. Paulus: hodie ad me spectat mei curam gerere; cras id ad DEUM pertinet. Vehebatur biremi prope Liguriæ littora; cum orta fœdâ repente tempestate, nautæ excensionem tentabant; sed undique obices occurrebant; fluctus quidem vehementes à mari, à terra autem rupes præcipites, sic ut ab illis fugere esset rectâ ferri in istas. Quotquot in navi erant, magnis clamoribus opem è cælo poscebant, cum certam præ oculis mortem habere viderentur. Unus P. Paulus, DEO suo confisus, vultu apparebat non sereno tantum, sed renidente, perinde ac si placida ex malacia solatium caperet: cum momento tempestas posuit, ut nemo non pro arbitrio in terram exscendere posset. Alias cum flumen simul cum multis aliis vectoribus trajiceret, aquarum impetus nautæ gubernaculum excussit, navisque deorsum præceps ferebatur. Cuncti ad P. Paulum confugere, qui more suo minimè consternatus; fidite, ajebat, fidite DEO, & omnem ponite timorem. Et verò nauta resumpto animo & gubernaculo rectè direxit navim, & cuncta prosperè cesserunt. Clarius suam hanc in DEUM fiduciam aliâ occasione palam fecit Pater, quam hîc ego verbis ipsius testis narrabo, qui est D. Laurentius Gualterius, Minister Sermo Magno Hetruriæ Duci in paucis carus, quem jussérat Dux P. Paulum in itinere quopiam Florentiâ Romam, & Româ Florentiam comitari, ejusque curam habere. In reditu, inquit iste, inter Perusiam, & Are-

N

tium

tium conspeximus nos in manifesto intextū periculo in ascensu Cortonensi ; cum enim rheda lapsa deorsum præceps in substratum solum ferretur , & uterque esset opprimendus, clamavi ego ; JESU , JESU ! aëtum est de nobis. At Pater ; non , respondit , non , nihil est periculi , gratias reddamus DEO ( & tamen tunc adhuc pendebamus in aëre) cecidimus sine ulla lœsione , non rheda , non Auriga , non equi , quidquam detrimenti sunt passi . Dixi tunc : Pater , si fuisse solus , fuisse comminutus in frusta ; sum enim peccator. At Pater ; fili mi , ego te multo sum deterior ; sum enim fæx hominum nequam : nos tamen iter facimus DEI causâ ; dnm ergo ille dux noster est , non est quod timeamus. Amemus illum semper impensis ; in vita enim altera , quanta nos bona , quanta nos bona !

## §. XXXIX.

*Alia Fiducia in DEUM exempla.*

**J**Am ante advertimus , quâ ratione Pater in Sacris suis Expeditionibus , cùm fœdis nonnunquam tempestatibus turbatum cælum esset , dicere tamen sub dio ad populos cœperit , in ordines supplicantum agmina tribuerit , & reliqua id temporis consueta egerit omnia , sic ut eâ , quam ejus animo DEUS indiderat , fiduciâ , dominum quodammodo tempestatum elementorumque cum constituisse videretur. Non semel ob pellices à latere virorum impurorum abstractas , & reprehensa audacter non infimæ conditionis hominum publica scandala , grave publicæ ignominiae ac dedecoris discrimin adiit. Postquam suum illum de Concordia librum , quo Quietistarum , (hoc illis à suâ doctrinâ nomen) errores